

ՊԱՅՄԱՆԱԳԻՐ

ՄԱՔՍԱՅԻՆ ՄԻՈՒԹՅԱՆ ՄԱՔՍԱՅԻՆ ՍԱՀՄԱՆՈՎ ՖԻԶԻԿԱԿԱՆ ԱՆՁԱՆՑ ԿՈՂՄԻՑ ԿԱՆԽԻԿ ԴՐԱՄԱԿԱՆ ՄԻՋՈՑՆԵՐԻ ԵՎ (ԿԱՄ) ԴՐԱՄԱԿԱՆ ԳՈՐԾԻՔՆԵՐԻ ՏԵՂԱՓՈԽՄԱՆ ԿԱՐԳԻ ՄԱՍԻՆ

(Աստանա, 2010 թվականի հուլիսի 5)

Եվրասիական տնտեսական համայնքի շրջանակներում Մաքսային միության անդամ պետությունները, այսուհետ՝ Կողմեր,

հիմք ընդունելով «Միասնական մաքսային տարածք ստեղծելու եւ Մաքսային միություն ձեւավորելու մասին» 2007 թվականի հոկտեմբերի 6-ի պայմանագրի եւ «Մաքսային միության մաքսային օրենսգրքի մասին» 2009 թվականի նոյեմբերի 27-ի պայմանագրի դրույթները,

հաշվի առնելով միջազգային իրավունքի՝ համընդհանուր ճանաչում ունեցող սկզբունքներն ու նորմերը,

պայմանավորվեցին հետեւյալի մասին.

Հոդված 1

1. Սույն Պայմանագրով սահմանվում է Մաքսային միության մաքսային սահմանով ֆիզիկական անձանց կողմից կանխիկ դրամական միջոցների եւ(կամ) դրամական գործիքների տեղափոխման կարգը:

2. Մաքսային միության մաքսային սահմանով ֆիզիկական անձանց կողմից կանխիկ դրամական միջոցների եւ (կամ) դրամական գործիքների տեղափոխման առնչությամբ ծագող հարաբերությունները, որոնք կարգավորված չեն սույն Պայմանագրով, կարգավորվում են Մաքսային միության այլ միջազգային պայմանագրերով, իսկ դրանց բացակայության դեպքում՝ Կողմերի օրենսդրությամբ:

3. Սույն Պայմանագրի դրույթներով չեն կարգավորվում Մաքսային միության մաքսային սահմանով ֆիզիկական անձանց կողմից օրինական վճարամիջոց հանդիսացող թանկարժեք մետաղներից մետաղադրամների տեղափոխման առնչությամբ ծագող հարաբերությունները:

Հոդված 2

1. Սույն Պայմանագրի նպատակներով գործածվում են հետևյալ եզրույթները եւ դրանց սահմանումները՝

կանխիկ դրամական միջոցներ՝ թղթադրամների եւ գանձապետական տոմսերի, մետաղադրամների տեսքով դրամանիշեր՝ բացառությամբ թանկարժեք մետաղներից պատրաստված մետաղադրամների, որոնք շրջանառության մեջ են գտնվում եւ օրինական վճարամիջոց են հանդիսանում Մաքսային միության անդամ պետություններում կամ օտարերկրյա պետություններում (օտարերկրյա պետությունների խմբում), այդ թվում՝ շրջանառությունից հանված կամ հանվող, սակայն շրջանառության մեջ գտնվող դրամանիշերի հետ փոխանակման ենթակա դրամանիշերը.

դրամական գործիքներ՝ ճանապարհային չեկեր, մուրհակներ, չեկեր (բանկային չեկեր), ինչպես նաեւ փաստաթղթային արժեթղթեր, որոնցով հաստատվում է թողարկողի (պարտապանի)՝ այն դրամական միջոցները վճարելու պարտավորությունը, որոնց դեպքում չի նշվում այն անձը, ում կատարվում է այդ վճարումը:

2. Սույն Պայմանագրում օգտագործվող մյուս հասկացությունները օգտագործվում են Մաքսային միության մաքսային օրենսդրությամբ սահմանված իմաստներով, իսկ Մաքսային միության մաքսային օրենսդրությամբ սահմանված չլինելու դեպքերում՝ Կողմերի օրենսդրությամբ սահմանված իմաստներով:

Հոդված 3

1. Ֆիզիկական անձի կողմից Մաքսային միության մաքսային տարածք կանխիկ դրամական միջոցների եւ (կամ) ճանապարհային չեկերի ներմուծումն իրականացվում է առանց սահմանափակումների հետեւյալ կարգով՝

10 հազար ԱՄՆ դոլարին համարժեք գումարին հավասար կամ դրա չափը չգերազանցող ընդհանուր գումարով կանխիկ դրամական միջոցների եւ (կամ) ճանապարհային չեկերի միանվագ ներմուծման դեպքում նշված դրամական միջոցները եւ (կամ) ճանապարհային չեկերը ենթակա չեն գրավոր ձեւով մաքսային հայտարարագրման.

10 հազար ԱՄՆ դոլարին համարժեք գումարի չափը գերազանցող ընդհանուր գումարով կանխիկ դրամական միջոցների եւ (կամ) ճանապարհային չեկերի միանվագ ներմուծման դեպքում նշված դրամական միջոցները եւ (կամ) ճանապարհային չեկերը ենթակա են գրավոր ձեւով մաքսային հայտարարագրման՝ ներմուծվող կանխիկ դրամական միջոցների եւ (կամ) ճանապարհային չեկերի ամբողջ գումարի մասով ուղեւորային մաքսային հայտարարագիր ներկայացնելու միջոցով:

2. Ֆիզիկական անձի կողմից 10 հազար ԱՄՆ դոլարին համարժեք գումարին հավասար կամ դրա չափը չգերազանցող ընդհանուր գումարով կանխիկ դրամական միջոցների եւ (կամ) ճանապարհային չեկերի միանվագ ներմուծումը կարող է գրավոր ձեւով հայտարարագրվել ֆիզիկական անձի ցանկությամբ:

3. Ֆիզիկական անձի կողմից դրամական գործիքների, բացառությամբ ճանապարհային չեկերի, ներմուծումն իրականացվում է գրավոր ձեւով մաքսային հայտարարագրման պայմանով՝ ուղեւորային մաքսային հայտարարագիր ներկայացնելու միջոցով:

Հոդված 4

1. Ֆիզիկական անձի կողմից Մաքսային միության մաքսային տարածքից կանխիկ դրամական միջոցների եւ (կամ) ճանապարհային չեկերի արտահանումն իրականացվում է առանց սահմանափակումների հետեւյալ կարգով՝

10 հազար ԱՄՆ դոլարին համարժեք գումարին հավասար կամ դրա չափը չգերազանցող ընդհանուր գումարով կանխիկ դրամական միջոցների եւ (կամ) ճանապարհային չեկերի միանվագ արտահանման դեպքում նշված դրամական միջոցները եւ (կամ) ճանապարհային չեկերը ենթակա չեն գրավոր ձեւով մաքսային հայտարարագրման,

10 հազար ԱՄՆ դոլարին համարժեք գումարի չափը գերազանցող ընդհանուր գումարով կանխիկ դրամական միջոցների եւ (կամ) ճանապարհային չեկերի միանվագ արտահանման դեպքում նշված դրամական միջոցները եւ (կամ) ճանապարհային չեկերը ենթակա են գրավոր ձեւով մաքսային հայտարարագրման՝ արտահանվող կանխիկ դրամական միջոցների եւ (կամ) ճանապարհային չեկերի ամբողջ գումարի համար ուղեւորային մաքսային հայտարարագիր ներկայացնելու միջոցով:

2. Ֆիզիկական անձի կողմից 10 հազար ԱՄՆ դոլարին համարժեք գումարին հավասար կամ դրա չափը չգերազանցող ընդհանուր գումարով կանխիկ դրամական միջոցների եւ (կամ) ճանապարհային չեկերի միանվագ արտահանումը կարող է գրավոր ձեւով հայտարարագրվել ֆիզիկական անձի ցանկությամբ:

3. Ֆիզիկական անձի կողմից դրամական գործիքների, բացառությամբ ճանապարհային չեկերի, արտահանումն իրականացվում է գրավոր ձեւով մաքսային հայտարարագրման պայմանով՝ ուղեւորային մաքսային հայտարարագիր ներկայացնելու միջոցով:

Հոդված 5

1. Ֆիզիկական անձի կողմից կանխիկ դրամական միջոցները եւ (կամ) ճանապարհային չեկերը Մաքսային միության մաքսային տարածք ներմուծելու կամ այդ տարածքից արտահանելու դեպքում վերահաշվարկն ԱՄՆ դոլարով կատարվում է ուղեւորային մաքսային հայտարարագիրը մաքսային մարմին ներկայացնելու օրվա դրությամբ այն Կողմի օրենսդրության համաձայն սահմանված փոխարժեքով, որի պետական սահմանով տեղափոխվում են այդ կանխիկ դրամական միջոցները եւ (կամ) ճանապարհային չեկերը:

2. Դրամական գործիքների, բացառությամբ ճանապարհային չեկերի, մաքսային հայտարարագրման ժամանակ ուղեւորային մաքսային հայտարարագրում նշվում է անվանական արժեքը կամ համապատասխան գումարը՝ Մաքսային միության անդամ պետության արժույթով կամ արտարժույթով, որի ստացման իրավունքը հաստատվում է դրամական գործիքով: Անվանական արժեքի բացակայության եւ Մաքսային միության անդամ պետության արժույթով կամ արտարժույթով գումարը որոշելու անհնարինության դեպքում, որի ստացման իրավունքը հաստատվում է դրամական գործիքով, ուղեւորային մաքսային հայտարարագրում նշվում է տեղափոխվող դրամական գործիքների քանակը:

Հոդված 6

Հանցավոր ճանապարհով ստացված եկամուտների օրինականացմանը (վացմանը) եւ ահաբեկչության ֆինանսավորմանը հակազդելու նպատակով ֆիզիկական անձանց կողմից Մաքսային միության մաքսային սահմանով գրավոր ձեռով պարտադիր հայտարարագրման ենթակա կանխիկ դրամական միջոցներ եւ(կամ) դրամական գործիքներ տեղափոխելու դեպքում ուղեւորային մաքսային հայտարարագրում պետք է լրացուցիչ նշվեն հետեւյալ տվյալները՝

1) ֆիզիկական անձի ծննդյան ամսաթիվը եւ վայրը, օտարերկրյա քաղաքացու կամ քաղաքացիություն չունեցող անձի՝ Մաքսային միության անդամ պետության տարածքում գտնվելու (բնակվելու) իրավունքը հաստատող փաստաթղթի

վավերապայմանները, Մաքսային միության անդամ պետության տարածքում բնակության (գրանցման) վայրի կամ գտնվելու վայրի հասցեն,

2) դրամական գործիքների՝ բացառությամբ ճանապարհային չեկերի մասին տվյալներ (դրամական գործիքի տեսակը, թողարկողի անվանումը, թողարկման ամսաթիվը եւ նույնականացման համարը՝ առկայության դեպքում),

3) կանխիկ դրամական միջոցների եւ (կամ) դրամական գործիքների աղբյուրի, դրանց սեփականատերերի (հայտարարատուի սեփականությունը չհանդիսացող կանխիկ դրամական միջոցների եւ (կամ) դրամական գործիքների տեղափոխման դեպքերում), ինչպես նաեւ ենթադրվող օգտագործման մասին տվյալներ,

4) կանխիկ դրամական միջոցների եւ (կամ) դրամական գործիքների փոխադրման երթուղու եւ միջոցի (տրանսպորտի տեսակի) մասին տվյալներ:

Հոդված 7

1. Կողմերի միջեւ ծագող՝ սույն Պայմանագրի դրույթների մեկնաբանման եւ (կամ) կիրառման հետ կապված վեճերը կարգավորվում են Կողմերի միջեւ անցկացվող խորհրդակցությունների ու բանակցությունների միջոցով:

2. Եթե Կողմերը խորհրդակցությունների ու բանակցությունների միջոցով վեճը չեն կարգավորում դրանց անցկացման վերաբերյալ՝ մի Կողմից մյուս Կողմին հասցեագրված պաշտոնական գրավոր դիմումը ներկայացնելու օրվանից հետո վեճ ամսվա ընթացքում, ապա Կողմերից յուրաքանչյուրը կարող է այդ վեճը հանձնել Եվրասիական տնտեսական համայնքի դատարանի քննությանը:

3. Մաքսային միության հանձնաժողովը Կողմերին աջակցություն է ցուցաբերում վեճի կարգավորման հարցում՝ նախքան այդ վեճը Եվրասիական տնտեսական համայնքի դատարանի քննությանը հանձնելը:

Հոդված 8

Սույն Պայմանագրի մասով վերապահումներ չեն թույլատրվում:

Հոդված 9

Կողմերի պայմանավորվածությամբ սույն Պայմանագրում կարող են կատարվել փոփոխություններ, որոնք ձեւակերպվում են սույն Պայմանագրի անբաժանելի մասը կազմող առանձին արձանագրություններով:

Հոդված 10

Սույն Պայմանագիրը ժամանակավորապես կիրառվում է ստորագրման ամսաթվից, սակայն «Մաքսային միության մաքսային օրենսգրքի մասին» 2009 թվականի նոյեմբերի 27-ի պայմանագիրն ուժի մեջ մտնելու ամսաթվից ոչ շուտ, եւ ենթակա է վավերացման:

Սույն Պայմանագիրն ուժի մեջ է մտնում սույն Պայմանագիրն ուժի մեջ մտնելու համար անհրաժեշտ ներպետական ընթացակարգերը Կողմերի կողմից կատարվելու մասին վերջին գրավոր ծանուցումն ավանդապահի կողմից դիվանագիտական ուղիներով ստանալու օրվանից, սակայն «Մաքսային միության մաքսային օրենսգրքի մասին» 2009 թվականի նոյեմբերի 27-ի պայմանագիրն ուժի մեջ մտնելու ամսաթվից ոչ շուտ:

Կատարված է Աստանա քաղաքում, 2010 թվականի հուլիսի 5-ին, մեկ բնօրինակից՝ ռուսերենով:

Սույն Պայմանագրի բնօրինակը պահվում է Մաքսային միության հանձնաժողովում, որը սույն Պայմանագրի ավանդապահն է եւ որը յուրաքանչյուր Կողմին կտրամադրի դրա հաստատված պատճենը:

(Ստորագրություններ)